

TRISAGIO

CARCARARAG

(EN ILOCANO)

POR

D. JUSTO CLAUDIO FOJAS

PRESBITERO

CON LICENCIAS

MALABÓN

—
TIPO-LITOG. DEL ASILO DE HUÉRFANOS
de Ntra. Sra. de Consolación

1897



TRISAGIO

QUEN

CARCARARAG
(EN ILOCANO)

POR

D. JUSTO CLAUDIO FOJAS

PRESBITERO

CON LICENCIAS

MALABÓN

TIPO-LITOG. DEL ASILO DE HUÉRFANOS
de Ntra. Sra. de Consolación

1897





PANAGLUALO

ITI TRISAGIO TI
SANTÍSIMA TRINIDAD.

—*—

Iti nagan ti Ama, Anac quen Espíritu Santo. Amén.

V.—Luctam, Apo, daguitoy bibig co.

R.—Quet iparangarang toy nãioat co ti pacaidayaoam.

V.—Badangãan nac coma, Apo.

R.—Darasen nac coma nãa tulongãan.

V.—Daydayaoen ti Ama, Anac quen Espíritu Santo.

R.—Agnanayon....

Alleluya.

Umona n̄ga paset.

Santo Dios, Santo á napigsa, Santo á di matay, caasianna cami.

Amami etc....

Maminsiam á cona toy:

V.—Daydayaoenda ca agyaman-cam Quenca n̄ga agnanayon, joh Santísima Trinidad!

R.—Santo, Santo, Santo, Dios quen Apo daguiti bileg, sipupunno ti amin á dagá iti pacaidayaoam.

Inton malpas ti maminsiam á casta, conanto:

V.—Gloria iti Ama,
Gloria iti Anac,
Gloria iti Espiritu Santo.

R.—Agnanayon aoan ingga na.

Maicodua quen maicatlo n̄ga paset.

Santo Dios, Santo á napigsa ..

Cas met la iti umona n̄ga paset, sa isaru nonto daytoy.

ANTIFONA

¡Oh Dios Ama, nãa aoan nagtau-
dam! ¡Oh Dios Anac á bugbugtong!
¡Oh Dios Espíritu Santo, á manglio-
lio! iti amin á puso quen nãioat mi
ipaduyacyac quen daydayaoenmi ti
Santa quen di agsisina nãa Trinidad:
daydayaoenda ca nãa agnanayon.

V.—Cablaaoantay iti Ama, Anac
quen Espíritu Santo.

R.—Daydayaoen quen irimbaotay
ida nãa agnanayon.

Cumararag tayo.

¡Oh Mannacabalinamin quen agna-
nayon á Dios! nãa impalubosmo ca-
daguiti adipen mo ti panangammo
iti dayag ti agnanayon á Trinidad,
maipoon iti panangiparangarang iti
pudno nãa Pammati: daoatenmi
nãa, iti bileg daytoy, cancanayon
cam á maiadayó coma cadaguiti

amin á paguel. Gapo quen Apo mi á Jesucristo.

V.—Sapay coma ta casta.

¡Oh napateg á Santísima Trinidad!
ispalen, igaga quen paquirdennacam
coma.

HIMNO.

¡Oh Trinidad Santísima!
no agbannaog iti agsapa,
sangcatimpuyog ti Parsua
nãa agdaydayao agruchab Quenca.

No matoonmi ti init á nabara
daytoy manen ipalaguipna
ti panangitanãad mi iti matá
tapno incam agdaydayao Quenca.

No lumnequen á cas aguinaná
daguiti met bibbituen quen planeta
aoisenda cam amin á rumegta
nãa agdaydayao la, Apo, Quenca.

Daguiti pay nadumaduma,
todo, sipnãget, angin á napigsa
isoda amin cadacami conconada:
daydayaoen iti Trinidad Santísima.

Daydayaoen nãa agnanayon iti
Ama, Anac quen Espíritu Santo.

GOZOS

ITI SANTÍSIMA TRINIDAD.

—(*)—

Oh maymaysa la nga Dios Apo,
á tal-lo á Personas cayo.

Angeles quen Serafines
canada: Santo, Santo, Santo.

Ita dayag nga aoan ingga na
quen quinalal-loyo á Persona
umararaocami nga siinanama
tapno basol mi ti mapacaoan coma:
dayta nga caasi ioarnacco
cadaguitoy daydayaoen á saó.

Angeles quen Serafines...

¡Oh Trinidad á daydayaoen!
á pagubbogan ti isoamin,
á mangted cadacam iti nalaing
ipaaymo cad ala ta caasim:
gupdem coma ita dungngo
daguitoy rigat mi nga adó.

Angeles quen Serafines...

Toy *Trisagio* nga insurat
ni naregta nga Isaias
nangegna á pinagramrambac
daguiti nailangitan á *Gerarquias*,

tapno aramidentay met á tattao
á pangdaydayaotay iti Dios Apo.
Angeles quen Serafines...

Naisungsong sadi Gloria
daytoy nasamit á canta,
patguen met unay ti Iglesia
ta ti infierno passiaenna:
itoy á panangdayao mainumo
á buyogantay met iti puso.
Angeles quen Serafines...

Iti pettat á patay quen sal-it
maigaga laeng, mailiclic
ti aglualo nga sipapasnec
itoy *Trisagio* á napateg:
iso ti nabileg á calasag tayo
cadaguiti paguel á nacaro.
Angeles quen Serafines...

Toy *Trisagio* cas bul-lalayao,
pacdaar ti talna nga nasinao
ditoy manglioenglioeng á taáo
daguiti peggad á nacaalaliao:
amin cadaguitoy ilisina tayto
ti nailangitan á dungngo.
Angeles quen Serafines...

Dagós á panaoan ti sairo
iti aglualo itoy *Trisagio*
ta calasag á naiparungbo
nga inted ti Dios cadatayo:

iso met ti pamarucma tayo
cadaguiti ranggas á mangiculbo.

Angeles quen Serafines...

¡Oh Dios á napigsa quen di matay!
Apo, agtalecac ita pannaranay
nãa ita dennam á sidadarisay
agcancantaacto á di agsarday
igaganac met coma á iadayó
cadaguiti paguel á dumocó.

Angeles quen Serafines
conada: Santo, Santo, Santo.

Daydayaoen nãa agnanayon iti Ama, Anac
quen Dios Espiritu Santo.

PANAGCMMATALEC

ITI NA DIOSAN Á PUSO NI JESÚS, Á
AGBUGBUGSOT.—PANGIDAODAOAT CA-
DAGUITI NARUAY Á MATAY ITI INALDAO.

*Umona nãa panguap toy á De-
voción: Pagdaydayao iti napateg
unay á Puso ni Jesús, á nagsagaba
cadaguiti tooc á nasaem gapo cada-
tayo, bayat ti caadda na nãa sibibiag
idi ditoy dagá, ngem nangrona idi
minuyongan á huerto de olivas*

quen idi met *cruz* á nacailansaan na.

Maicadua: Gapo cadaguiti caicarian daydi napaot á panagbugshot ni Apo tay á Jesucristo, pangragpat iti caasi ti Dios tapno naimbag ti ipapatay daguiti oaló polo ribo nãata nãa agbugshot quen matay iti inaldao.

CARARAG

ITI PUSO NI JESÚS NÃA ABUGBUGSHOT
QUEN PANĜIDAODAOAT CADAGUITI NÁ-
RUAY Á TAO Á MATAY ITI INALDAO.

Oh Manangnãgasi unay á Jesús,
á sungued ta ayat mo cadaguiti cararual daoatec Quenca nãa, maipoon idi panagbugshot ta napateg unay á Pusom quen daguiti met ladladingit ni nadalos unay á Inam, dalosam coma, Apo, ita Daram amin á managbasol ditoy dagá nãa agbugbugshot quen matay met itoy nãa aldao. Amén.

Oh Puso ni Jesús nãa agbugbug-

sot, caasiam cad, Apo, daguiti ag-
ngoyngoy-á.

*Sangagasot nãa aldao á Indulgencia ti
lacámen, tungaliualoen toy á Cararag, quen
Indulgencia Plenaria iti binulan, no agcon-
fesar quen agcomulgar ti tao, quen ma-
mitlo nãa lualoen toy iti inaldao quen sa-
bali-sabali nãa horas ti panangluato.*

*Mabalin á ipaay daguitoy á Indulgen-
cias cadaguiti cararua sadi Purgatorio.*

(Pio IX.—decreto—2 de Febrero 1850.)

PANANGARAMID.

*Daytoy ababá nãa Cararag lualoen iti
mamut-lo iti inaldao, oenno uray maminsan
iti bigat casta met iti malem quet inayon
daguitoy á pangaoag:*

¡Oh naasi nãa puso ni Apo mi á
Santa María, icacaasina cam cadil

¡Oh San José, catalec iti naimbag
á ipapatay, icacaasina cam cadil

¡Oh San Miguel Arcángel, icaca-
asina cam cadil

¡Oh Angeles, á casigod mi quen
sa Santos, á catalec co, icacaasida
cam cadil

¡Oh Angeles, á nangliolioa quen
Jesucristo idi panagbugshot na icaca-
asida cam cadí!

*Daguiti di macaammo á agbasa, ma-
balinda ti aglualo, iti inaldao, maipanguap
itoy, iti maysa nãa Amami... quen Ave—
María...*

PANUNOTEN DAGUITOY Á PUDNO:

Inaldao á matay ti oaló poló, agsiam
á polo ribo nãa tattao...! Tunggal bu-
lan tal-lo lacsá...! Tunggal taoen tal-lo
polo quet innem á lacsá.... ...¡Ay! iti
daytoy macapaquigtot á bilang, mano
nãata daguiti adda nãa sibasol iti na-
dagsen!!!

Ditoy lubong matay ti *oalo polo ribo
nãa tattao* itoy nãa oldao! quet man-
gruguidan iti agnanayon a namáy,
oenuo aoan pada quen ingga na nãa
quinadacsanggasat.....!

Dinto mabayag á mauray ti batáng
mo!..... Panunotem á naimbag, quet,
icacaasim ida tapno icacaasida cantó
met no agbugshotca.

Icacaasim daguiti agbugbugshot ta
cacabsat mo ida quen Jesucristo, na-

labit á dadduma cadaguita pagayam,
cabaguiam oenno nacautangam iti na-
imbag á naquem. Tapno mailisida iti
infierno, nãa tooc nãa aoan pada quen
ingga na, isona la nãa masapolda *ti*
naimbag á panagconfesar oenno nais-
nec unay á panagbabaoi. (Acto de ver-
dadera contrición).

PANAGBABAOI

CADAGUITI BASBASOL, CAS INSURAT NI
SAN FRANCISCO JAVIER.



Dios co, saan á ti incarin
á gloria nãa natalingennngen
ti macatignay itoy naquem
tapno *in Ca coma ayaten:*

Saan met á ti buteng co
iti nacaalalinguec á Infierno
ti manggutogot itoy puso
tapno *babaoiec daguiti basbasol co:*

Ngem ti pudno á pacatingnayac
nãa agcudi, Dios co, ita Dayag,
saan á sabali *daya la Ayát,*
á gapo quencuana naparsuaac.

Aggasugas, Apo, toy pusoc
nãa *agayat Quenca* sidadalos
ta buybuyaen Ca nãa sibibissayot
ita nacababain quen natooc á Cruz.

Oen, Dios co, *ayayaten Ca*
uray aoân ania la coma
nãa incarim á pangũguna
quen pangdusam á nacadidigra.

Oen *ayayaten Ca unay*, Dios co,
iti narayray quen pudno,
nãem daoatec met á ipaaymo
ta nabileg á pannaranay mo.

CARARAG

QUEN APO DIOS NO MABIGATAN DA TAO.

Oh Dios co, agyamanac
cadaguiti parabor mo caniac,
nangrona unay natengac
daytoy baro manen á bigat.

Quenca idatonco amin
aramid, saoc, paquinaquem:
isicatco á diacto agbasolen
no tulongan nac ta caasim.

PAGDAYDAYAO

QUEN APO SANTA MARIA.

Oh Princesa, nãa natanóc
Virgen nãa inguet dalós,
daydayaoenmi ta silnog
ta iti dayta nãa quinalibnos
maragsacan pay ti Dios.

Toy biag, cararua quen pusoc
Quenca idatonco ida á situtuloc,

quet igaganac coma iti rungsot
daguiti sairo nãa mangituggod,
ta nalaos da nãa nagdangcoc

Iti Angel á Casigod.

Oh Angel ti Dios, á napusgan
á mangisuro caniac, mangayoan
panagcudic quenca toy ulitan;
di nac cama ituloc á mailaoán
iti ania man á pacadaesan.

No pumanao tao iti balay.

Oh Dios co, iturong nac coma
ita saclang mo á nangina;
di coma umaddang daguitoy saca
no di iti panagtungpal da Quenca.

No sumree tao iti Simbaan.

Pagrucbaban ca, joh Apoc á Jesu-
cristo! ditoy quen iti isoamin á sim-
baan ditoy dagá, quet daydayaænna
Ca toy cararuac, ta gapo iti Santa
nãa Cruz, sinubbotmo toy lubong.

CARARAG

NO MANGRUGUI TI SANTA NÃA MISA.

¡Oh Dios nãa Agnanayon quen Ma-

nagayat! sipapacurangac quen sidadalos toy pusoc á mangidaton Quenca itoy *Santa nãa Misa*, á pagyaman co cadaguiti parabor á impaaymo á sicacaasi cadacam á parsuam, pagsupapac cadaguiti basbasol quen pangtulong co met cadaguiti cararua sadi Purgatorio. Pangidaoat co met, Apo, iti panagtalinaed coma nãa agnanyon daguiti nasingpet iti nadalos á dalan á surotenda, quen tapno agbabaoicam coma nãa managbasol; idianmi coman ti nadangques á panagbiag, mataycamto coma nãa sigagracia, quet maicaricamto met coma nãa dumanon ita aoan ingga na nãa Gloria á yan mo. Amén.

Lualoen ti santo Rosario oenno pampapunoten daguiti tooc á sinagaba ni Apo tay á Jesucristo á nanubbot cadatayo. Mabalín met á daguiti ladingin ni apo tay á Santa Maria ti pampapunoten

CARARAG

NO ITAYAG TI SACERDOTE ITI SAGRADA
HOSTIA.

¡Oh na Diosan á Bagui ni Apo mi
á Jesucristo! sipapacurangac á mang-
daydayao Queca, á maidaton tapno
dacam á tattao mabalinmi ti maisa-
lacam no babaoienmi daguiti basba-
sol mi, ta maipoon cadaguitoy, cai-
carianmi la ti madusa, ngem yata
quinayatmo ti nagtotóoc gapo cada-
cami, sandianna cam coma, Apo,
ngã agdaoat iti caasi cadacam ti Dios
Ama ngã Agnanayon.

CARARAG

NO MAITÁYAG TI CADIZ

¡Oh napateg unay á Dára ni Apo
mi á Jesucristo! nagparucpoc idi adda
iti Cruz á silalansa ti Naayat unay
á nagtotooc gapo caniac, ipaymo
cadi á madalosang toy nacacaasi ngã

cararuac tapno mairanodacto met iti
nasamit á Gloria nãa agnanayon.

*Itoloy met la ti lualo oenno Pampa-
uunot...*

*Inton rumuar tao iti simbaan lualoen
met toy sumaruno á*

CARARAG

Dica ipalubos, Apo á caano man
umadayóac Quenca: tacunaynayem
la coma daguiti aramidec tapno mai-
paay da amin á pagdaydayao co
Quenca quen pagtungpal co ita na-
pateg unay á Naquem mo, Apo, ta,
nupay no pamañaoac ditoy, saan á
sumina Quenca toy cararuac.

CARARAG

QUEN GLORIOSO SAN MIGUEL AR-
CANGEL.

¡Oh glorioso San Miguel!
ilisina cam cad iti paguel
á in cadacam pangidaguel
ti Cabusor á inguet daael

yata ti Dios inna ca tinuding
á saluad mi á tumaceling.

Narimbao ca sadi langit
á palunõo daguiti Angeles
sica met daydi namatalgued
iti Pammati á napateg:
pinacmermo nãa siingel
daguidi nacuspag nãa agmamael

*Ilisina cam cad iti paguel,
natanóc nãa apo San Miguel.*

Ni Lucifer á mangituggod
cadaguiti asino man á cristianos
aoan ti mabalin na á pulos
ita bileg mo, apo, á nalaos,
anansata incam dumeldel,
ita naasi á panangiaгуél.

Ilisina cam cad iti paguel....

Ti Dios impatona ca met
á saluad manariquedqued
iti Iglesia, tapno maparmec
daguiti nainfiernoan á daques:
dayia napigsa nãa mabael
ibunannagmi á pagpanacquel.

Ilisina cam cad iti paguel...

Inton aldao á pannacaocom
inda canto coma ibunãabong
á mangted cadacam iti tulong
quen sacnib á naalinganong,

iti casta dicamto la madadael
cadaguiti cabusor á nadaoel.

Ilisina cam cad iti paguel...

Inton paglalasineno ti tao
á umaoat iti pananacaipato
itinto coma canaoan ti Dios Apo
ti itdem á pagsaadan minto:
daguiti sairo nãa umatibelbel
didanto la coma bumael.

Ilisina cam cad iti paguel...

Daguiti amin nãa agsagaba
iti tooc uray nadumaduma
tulong mo cad ti marienada
no nasgued ti pammati da
ita panangibabaet á dacquel
tapno dida mairubo, maidaguel.

Ilisina cam cad iti paguel...

Ita quen inton ipapatay mi,
no umapay ti peggad mi
dina cam cad la ical-laiqui
ita napateg á panangngaasi:
sicã ti saranay á natibquer
ta naitalugading ca á sanguir

Ilisina cam cad iti paguel...

Daguiti arari agdatonda quencia.
ta aramid unay á naimna
ti paaclon quen paigaga
ita bileg á nagpaiduma,

aoan la ti duadua, pacmerem
ti sairo nga mangirurumen.

Ilisina cam cad iti paguel...

Iti rabii man quen aldao
daoatenmi nga siararao
ta caasim á di masáao,
joh San Miguel á madaydayao!
yata ti Dios innaca intuding
á saluad mi quen taclin

*Ilisina cam cad iti paguel,
natanóc nga apo San Miguel.*

¡Oh Dios á manacabalin amin quen
aoan tungpal mol á maipoon ita
aoan pada nga sirib mo, pinilim á
príncipe ti Santa Iglesiam ni naglo-
riaan á San Miguel Arcángel, á tal-
gued mi nga tattao: ipalubosmo coma,
Apo, ti macapabileg á tulong na ca-
dacami tapno maicari cam coma nga
maicanaoa cadaguiti amin á cabusor
mi quet mairanodcamto met coma
ita nadayag á Gloria. Igapom quen
Apo mi á Jesucristo á maquipagari
Quenca nga agnanayon. Amén.

Maipon iti panangibabaet ni San Rafael Arcángel:

CARARAG

¡Oh Dios! á intedmo quen Tobías, nãg adipen mo á cadua na iti dalan ni *San Rafael Arcángel*, ipaaymo cad met cadacam, Apo, nãg ti aluad quen panangayoan na saranayenna cam met nãg agnanayon quen lacámenminto á di agsarday coma ti nailanãitan á tulong na, Gapo quen Apomi á Jesucristo á nanubbot cadacami. Amén.

ITI PANANGIBABAET NI SAN GABRIEL ARCÁNGEL.

¡Oh Dios quet Apo mi! á cada-guiti naruay á Angeles, pinilim ni *Arcángel San Gabriel* á nangipacada idi naidaclan á *misterio* ti itatáo ti Bugbugtong á Anac mo iti naldalos unay á tian ni Virgen María.

iti aramid ti Espíritu Santo: ipaay-
mo coma nãa sicacaasi á dacam á
mangdaydayao iti pannacarambac
na ditoy dagá, lacamenminto coma
sadi langit ti bunãa daguiti panna-
ranay na cadacami. Sica nãa ari
quen sicacaysa iti Espíritu Santo nãa
agnanayon. Amén.

CARARAG

Á PANĠICACAASI CADAGUITI CARARUA
SADI PURGATORIO.

¡Oh casasamitan á Jesús! siruruc-
ruchabac cadaguita sacsacam nãa
agdaydayao quen pacacaasi Quenca
ta, maipoon cadaguiti naruay á tooc
á sinagabam idia y Calvario quen
gapo met cadaguiti ladladingit ni na-
sungdo unay á Inam, aonem coma,
Apo, daguiti Cararua sadi Purgatorio
cadaguiti tooc á sagabaenda, quet
alaem coma idan, Apo, á lumacám
iti ragsac quen aoan pada na nãa

guináoa dita Gloria. Sapay coma ta
casta.

*Pampanunoten daguiti nagpaiduma á
tooc á sagabaen daquili Cararua sadi
Purgatorio, quet daoaten quen Apo tay á
Jesucristo á silalansa ti cayat á ragpaten
quen iti met pannacabangár daguiti Ca-
rarua.*

*Assaug oenno Arararao daguiti
Cararua sadi Purgatorio.*

|Ayl cristianos, imdenḡanyo
daguitoy asasug mi cadacayo.
*Icacaasitay ala, cristiano.
daguiti adda sadi Purgatorio.*

|Amangán saem á tooc
ti sagabaen ditoy á lasód!
sacsaca quen imima sipaparaot
cadaguiti caoar inguet bantot:
isnecyo cad ala ta caasi yo
ta idaodaoatda cam iti Dios Apo.
Icacaasitay ala, cristiano...

Daguiti tooc dita nḡa biag
adayô da unay á pumadpad
iti naiduma ditoy á rigat
quet cas dinto la ida malasat:

guguranda cam iti napalalo
nga cas la balitoc á pimpolo.

Icacaasitay ala, cristiano...

Maysa á rissic ti beggang
iti apoy ditoy á manguram
no dita dagá umanay coman
á mangrunao mamimpinsan,
daytoy unay ti pacapnecanyo
iti pudot ditoy á inguet caro.

Icacaasitay ala, cristiano...

Idi addaac pay dita dagá
quinamauyong co ti naiduma
ta diac laeng immaripapá
iti pudot ditoy nga aoan pada:
adayo idi á impagaropco
á castoy quet daytoy á disso.

Icacaasitay ala, cristiano....

Sumangcangrona nga tooc
á cas la itay mamagpolcoc
ti di pannacaquita iti libnos
ti rupa ti Apo tayo á Dios:
rigat unay daytoy á nacaro
á cas met la iti infierno.

Icacaasitay ala, cristiano...

¡Oh ama, nga nagpútot
itoy anac mo á pinatáod!
¿dica man aya magutogot
á mangbangár cadaguitoy tooc?

ita unay ti pannacasapol co
cadaguiti ayat quen dungngo.

Icacaasitay ala, cristiano...

Oh inal nga nanapsappuyot
itoy bungam sipod idi sicog,
ipaaymo coma ala ita ngarod
daydi ayat mo á nasilnog:
ina, urayec ita sungdo
ti tulong mo itoy rigat co.

Icacaasitay ala, cristiano...

Sicá met nga inanac,
á iti dungngo naguibosac
itan ta adda ac itoy rigat
gina ngata caniacon malipat?
no bayan nac, sica ti pudno
á caulpitan daguiti tattao.

Icacaasitay ala, cristiano...

Anac co, laglaguipem comá
daydi nasalucag á regtá
á panangayayoan co quenca
sipod pay idi maladaga ca:
glipat quen panaguindidiammo
ti pagsupapac mo aya, anac co?

Icacaasitay ala, cristiano...

No taguilipat ti aramidem
quet bayan nac á sireremrem
itoy tooc á nadaguinsen
mariroca unay quet patiem

ta nasquen nḡa annong mo
á icacaasina cam á dacquel mo.

Icacaasitay ala, cristianos...

Dacay met á nasalucag
á dumidinna idi caniac
diyo nḡata maal-lingag
ḡdaguitoy asasog á naoadoad?
ay! ala coma cadi itdenyo
ti dacquel á itulongyo.

Icacaasitay ala, cristianos...

Oh nadnḡó á pagayam!
in ca met unay aoagan
ta daydi ayat á capatgan
dica pay met la coma bayán:
iti rigat iso ti napaypayso
á pacapnecan ayat á pudno.

Icacaasitay ala, cristiano...

Panangpacaoan iti ranggas,
misa quen aramid á naimbag
nabileg da amin á mangsoas
cadaguitoy caoar á nangpatapat,
anansata coma ala ida ipaayyo
tapno mabaoásan tooc mi á nacaro.

Icacaasitay ala, cristiano...

Ni San Miguel á principe
ipatalguedna unay cadacami
nḡa guináoa ti lacámenmi
cas maitimbeng iti caasi

daguiti naayat á tattao
á puspuso da ti nasungdo.

Icacaasitay ala, cristiano...

Iti magnipaay tulong na
cadaguitoy rigat á masagaba
agsubsubaliticamto quencuana
sibibiag pay quen inton patay na:
pannacaocom nanto ti di nacaro
ta idadaoatminto iti Dios Apo.

Icacaasitay ala, cristiano...

Yata ammoyo amin unay
nga aoan asinonto á macagaoay
iti di malisian á bileg ni patay,
asi ta puso yo cad ti matignay:
no addanto pacabangaran yo,
di duaduaen, yamanenyonto.

Icacaasitay ala, cristiano

¡Ay! cristianos, imdenganyo
daguitoy arararao mi cadacayo.

Icacaasitay ala, cristianos
cadaguiti adda sadi Purgatorio.

Requiescant in pace. Amen



CARARAG

ITI SAGRADA FAMILIA.

|Oh Jesús, naayat unay á nanġisalacan cadacamil nġa idinto ta bimabáca sadi langit á umay mánġlaoag itoy lubong iti pananġisurom quen panagpatulad mo, quinayatmo ti adadda nġa nagtaéng iti panagbiag mo idi nanumo nġa balay sadi Nazaret, situtulnog quen siannugot cada María Santísima quen San José, quet casta unay ti panangpadaeg mo iti daydi á balay tapno isó ti pagolidanan amin daguiti cristianos: aoatem coma á sicacaasi toy guimong mi á maidaton amin ita Quenca. Saluadem, saranayem coma, Apo, quet pasingquedam met coma quencuana ti nasantoan á panagbuteng Quenca casta met ti talna quen timpuyog ti nadalos á panagayanayat daguiti cristianos tapno agbalin á umasping

iti na Diosan á olidan á iso ti Guimong yo; quet dacam amin maragpat-mi met coma ti agnanayon á gasat.

¡Oh naayat unay á María, Ina ni Jesucristo quen Ina mi met! maipoon ita ayat quen caasim, aramidem coma nãa ni Jesús ipaayna nãa aoten toy panagdaton mi quet iannugot na met coma daguiti parabor quen pammagasat na.

¡Oh José! nasantoan á saluad ida Jesús quen María ita nabileg á panangibabaet mo tulonganna cam coma, apo, cadaguiti amin á pacaducotan daguiti cararua quen baguí mí, tapno iti pannacaibuyog mi cadacay quen María Santísima, iso á pangilabasam coma cadaguiti ununoy mi á idatagmo quen Jesús, mabalinminto ti agnanayon unay agdaydayao quen agyaman dita Gloria. Sapay coma ta casta.

Jesús, María quen José, silaoan, saranayen quen ispalenda cami. Amén.

CARARAG
QUEN GLORIOSO SAN ROQUE.

Oh San Roque, á catalecni,
idaodaoatanna cam ala cadí
iti Dios Apo á Manangngaasi
yata inda ca amin pinili

A taclinan pangiasuganmi
cadaguiti umapay á paguel mi
quet incanto la, Apo, mailisi
iti pagdacsan ti cararua quen bagui.

¡¡Sapay coma!!

Justo Claudio Fojas
Presbítero.